



ASASipintar Universiti Kebangsaan Malaysia



**Teroka
Cipta
Bitara**

PENGENALAN

Dalam usaha memenuhi keperluan pembelajaran pelajar-pelajar pintar dan berbakat, kerajaan Malaysia telah membangunkan satu program khusus dikenali sebagai Program PERMATA@Pintar Negara. Universiti Kebangsaan Malaysia (UKM) telah diberi mandat untuk membangun, melaksana dan memantau program ini yang telah dilancarkan pada 3 April 2009. Pusat PERMATA@Pintar Negara, UKM merupakan satu-satunya pusat kecemerlangan di Malaysia yang bertanggungjawab mengenalpasti pelajar-pelajar pintar dan berbakat dari seluruh tanah air dan memberikan mereka peluang untuk mengembangkan potensi dan bakat mereka.

Pusat ini mempunyai empat (4) program utama iaitu Program Pencarian dan Pengurusan Bakat, Program Pengayaan, Kolej PERMATA@Pintar Negara dan Program ASASIpintar UKM (Program pra-universiti). Suasana kondusif di pusat ini sangat sesuai bagi proses pengajaran dan pembelajaran yang efektif bagi pelajar pintar dan berbakat. Pelbagai kaedah pengajaran digunakan seperti Pembelajaran Berasaskan Inkuiri (IBL), Pembelajaran Berasaskan Masalah (PBL), tutorial, Pembelajaran Koperatif dan kuliah dalam kumpulan kecil, bagi membolehkan pelajar mendapat perhatian terus dari tenaga pengajar.

MATLAMAT PROGRAM

1. Menyediakan pengalaman awal bagi pelajar ASASIpintar UKM untuk belajar di institusi pengajian tinggi sekaligus mendahului penguasaan bidang berbanding pelajar lain.
2. Membangunkan generasi pelajar pintar berbakat yang dapat membudayakan inovasi, reka cipta dan memiliki kemahiran melakukan penyelidikan.
3. Membentuk pelajar yang mempunyai daya kepimpinan yang tinggi, bertanggungjawab dan mampu membuat keputusan yang berkesan berteraskan nilai-nilai baik dan beretika.
4. Meningkatkan kompetensi insaniah pelajar secara holistik dan dapat memberi sumbangan kepada negara di peringkat kebangsaan dan antarabangsa.

SYARAT KEMASUKAN

Memenuhi Syarat Am Universiti serta Keperluan Khas Program

1. Syarat kemasukan Program ASASIpintar UKM bagi Calon Luar
 - Warganegara Malaysia dan
 - Mendapat sekurang-kurangnya Gred A- dalam tujuh (7) mata pelajaran berikut:
 - Bahasa Melayu
 - Bahasa Inggeris
 - Matematik
 - Matematik Tambahan
 - Biologi
 - Fizik
 - Kimia
 - Lulus Ujian dan / atau Temuduga Program; dan
 - Terbuka kepada calon Kategori A (SPM tahun semasa) dan calon Kategori B (SPM bukan tahun semasa)
2. Syarat kemasukan program ASASIpintar UKM bagi calon program Pendidikan Kolej PERMATA@Pintar Negara, UKM
 - Warganegara Malaysia dan
 - Memperolehi sekurang-kurangnya PNGK 3.00 di peringkat PERMATA@Pintar High School Diploma (HSD)

PROGRAM ASASIpintar UNIVERSITI KEBANGSAAN MALAYSIA

Program ASASIpintar UKM adalah program pra-universiti yang dikendalikan oleh Pusat PERMATA@Pintar Negara, Universiti Kebangsaan Malaysia. Program ini telah diluluskan dalam mesyuarat Jawatankuasa Pendidikan Tinggi, Jabatan Pengajian Tinggi pada 8 Mac 2011. Program ini adalah untuk pelajar lepasan Sijil Pelajaran Malaysia yang mempunyai pencapaian akademik yang baik dan potensi intelek yang tinggi dan berbakat. Program ini dimulakan pada Mei, 2012. Pelajar lepasan Program ASASIpintar UKM akan melanjutkan pengajian bagi peringkat Sarjana Muda di Universiti Awam di Malaysia dalam pelbagai bidang pengajian mengikut pencapaian keputusan peperiksaan mereka dan juga keputusan temuduga fakulti. Permohonan ke peringkat Sarjana Muda boleh dilakukan oleh pelajar melalui Sistem Permohonan Kemasukan Pelajar (UPU Online). Keputusan penerimaan permohonan pelajar adalah bergantung sepenuhnya kepada keputusan muktamad fakulti-fakulti yang dipohon.

Program ASASIpintar UKM menekankan kepada perkembangan pelajar yang holistik bagi memastikan kesemua aspek jasmani, emosi, rohani, intelek dan sosial pelajar dapat dipertingkatkan. Program ini menawarkan kurikulum yang menekankan kepada gabungan teori dan amali serta kursus penyelidikan yang dapat memantapkan kebolehan mereka menjalankan pelbagai penyelidikan dalam bidang yang diminati. Pembudayaan ilmu yang mencabar serta inovasi terkini menjadi tunggak kepada Program ASASIpintar.

STRUKTUR KURSUS

Semester 1	
Kod Kursus	Kursus
PNAP0113	Biologi I
PNAP0123	Fizik I
PNAP0133	Kimia I
PNAP0143	Penaakulan Mantik
PNAP0154	Statistik
PNAP0164	Kemahiran Penyelidikan
PNAP0173	Apresiasi Bahasa dan Kesusasteraan
PNAP0193	Pembangunan Jati Diri Kebangsaan

Semester 2	
Kod Kursus	Kursus
PNAP0213	Biologi II
PNAP0223	Fizik II
PNAP0233	Kimia II
PNAP0246	Kalkulus Vektor
PNAP0263	Projek Penyelidikan
PNAP0283	Analisis Kritikal Isu Semasa
PNAP0293	Kepimpinan dan Membuat Keputusan

TEMPOH PENGAJIAN

- Satu tahun (Julai/ Ogos tahun semasa - Jun/ Julai tahun berikutnya)
- Permohonan bagi Program ASASIpintar UKM melalui: <https://upu.mohe.gov.my/>

YURAN PENGAJIAN

Yuran	Yuran SEMESTER 1 (RM)	Yuran SEMESTER 2 (RM)
Pendaftaran	665.00	-
Pengajian	830.00	830.00
Penginapan (Kadar yuran kolej penginapan berbeza mengikut jenis bilik dan kolej)	Anggaran 3.50/ hari	Anggaran 3.50/ hari
Yuran Aktiviti Kolej	50.00	50.00
JUMLAH (anggaran kasar) = RM3500	2100.00	1400.00

*tertakluk kepada perubahan yuran penginapan setiap semester



Hubungi Kami:

Alamat:
Ketua Program ASASipintar,
PUSAT PERMATA@Pintar NEGARA,
Universiti Kebangsaan Malaysia,
43600 UKM Bangi,
Selangor Darul Ehsan.

Telefon: +603 8921 7513/7515

Faksimile: +603 8921 7525

E-mel: asasipintar@ukm.edu.my

Laman web:

<https://www.ukm.my/permatapintar/asasipintar-ukm/>

Media Sosial:

   PERMATApintar

